



SOPAN SANTUN DENGAN JIRAN

 **Mari bernyanyi dan hayati lagu.**


AMALAN HEMAH TINGGI

Wahai jiran, berhemah tinggi
Tunjukkanlah pekerti mulia
Tingkah laku harus dijaga
Sopan santun jadi amalan

Tutur kata mesti dijaga
Gunakanlah nada yang sesuai
Berikan teguran secara berhemah
Jiran bangga kita gembira

Pandang wajah menatap mata
Bertegur sapa apabila bersua
Senyuman manis jadi budaya
Hubungan terjalin sesama kita

Pakaian kita biarlah bersopan
Kalau bersopan jiran suka
Pasti kita dipandang tinggi
Jadi contoh sikap berhemah



Kita patut berbudi bahasa
Dapat kita erat hubungan
Jadi teladan untuk semua
Kita amalkan setiap masa

Hidup berjiran biarlah mesra
Hati senang jiran bahagia
Aman damai hidup selesa
Suasana riang jiran harmoni.

Nukilan: Kugan a/l Ravendran




- ◆ Berdasarkan seni kata lagu, bagaimanakah kamu beradab sopan dan berbudi pekerti mulia terhadap jiran?
- ◆ Ceritakan pengalaman kamu beradab sopan terhadap jiran di kawasan kejiranan.



AMALAN
HEMAH TINGGI

NOTA GURU

- Bimbing murid menyangikan lagu dengan melodi "Nenek Si Bongkok Tiga".
- Minta murid menyatakan perasaan apabila beradab sopan dan berbudi pekerti mulia terhadap jiran.





BERADAB SOPAN JIRAN MESRA

 **Baca dan hayati panggilan video.**


Ajeq berpindah ke kawasan kejiranan baharu. Bawani dan Benny menghubunginya melalui panggilan video.

1 Hai, Ajeq. Apa khabar?

5 Ajeq, kamu orang baharu di kawasan kejiranan itu. Jiran belum mengenali kamu sekeluarga.

7 Ya, Ajeq. Kita perlu mesra dengan jiran tetapi jangan sesekali mencampuri urusan peribadi mereka.



- ◆ Mengapakah kamu patut beradab sopan terhadap jiran?
- ◆ Adakah kamu berasa bangga setelah beradab sopan dan berbudi pekerti mulia terhadap jiran? Jelaskan.
- ◆ Kita patut mengambil tahu hal jiran secara berhemah. Bincangkan. 

2 Hai, Benny dan Bawani.
Saya khabar baik.

4 Jiran di sini tidak menegur kami.
Mereka nampak kurang mesra.
Saya sedih.

8 Baiklah. Saya akan beradab sopan dan berbudi
pekerti mulia supaya hubungan saya dan jiran
menjadi lebih akrab.

10 Terima kasih atas nasihat kamu
berdua. Saya akan amalkan
pesanan kamu. Jumpa lagi.



3 Bagaimanakah jiran di tempat tinggal
baharu kamu sekarang Ajeq?


6 Betul kata Bawani. Kamu yang sepatutnya menyapa
apabila berjumpa dengan jiran. Gunakan bahasa
yang sopan semasa bercakap. Barulah jiran mesra
dengan kamu.

9 Ya, Ajeq. Sikap beradab sopan kamu juga akan
menjadi teladan kepada jiran yang lain.



NOTA GURU

- Bimbing murid main peranan situasi di atas menerusi panggilan video dengan menggunakan komputer atau telefon pintar.





BERHEMAH DALAM MAJLIS JIRAN

 Hayati situasi dan lakonkan.

Manjeet Kaur, saya hendak menjemput kamu ke majlis sambutan hari kelahiran saya pada hari Sabtu ini.



Terima kasih. Saya akan datang ke majlis kamu.

Bagaimanakah Manjeet Kaur mengamalkan sikap hemah tinggi semasa menghadiri majlis sambutan hari kelahiran jirannya?

Adab Makan



- _____
- _____

Adab Bercakap



- _____
- _____

Adab Berpakaian



- _____
- _____

Adab Bergaul




- _____
- _____

◆ Jika kamu Manjeet Kaur, bagaimanakah kamu beradab sopan dari segi berpakaian dalam majlis perayaan di rumah jiran?

NOTA GURU

- Bimbing murid melakonkan perlakuan beradab sopan Manjeet Kaur dalam majlis sambutan hari kelahiran.
- Minta murid melakar pakaian yang sesuai untuk majlis keramaian mengikut kreativiti.





PERMAINAN ANUGERAH BERHEMAH

 Mari bermain.

PANDUAN AKTIVITI

1. Murid mengambil sekeping kad situasi secara bergilir-gilir.
2. Sebutkan tindakan hemah tinggi berdasarkan situasi.
3. Jawapan yang betul diberi 2 markah manakala jawapan yang salah tiada markah.
4. Murid yang mendapat markah tertinggi dalam masa 10 minit diberi "Anugerah Jiran Berhemah".



◆ Apakah yang akan berlaku jika jiran kamu tidak menunjukkan sikap berhemah tinggi berdasarkan situasi? Bincangkan.

Situasi 1

Jiran memberikan buah tangan kepada kamu.

Situasi 2

Ibu kamu dan jiran sedang berbual di hadapan pintu dan kamu ingin melalui pintu tersebut.

Situasi 3

Kamu terserempak dengan jiran baharu semasa hendak pergi ke kedai runcit.

Situasi 4

Kamu dan ibu menghadiri majlis perkahwinan anak jiran.



NOTA GURU

- Tambah situasi mengikut keperluan permainan.
- Bimbing murid menjalankan aktiviti.

5.1
5.2
5.3
5.5



MARI UJI DIRI



Isi tempat kosong berpandukan pilihan jawapan dalam kod QR.

1. Saya _____ dengan jiran jika melakukan kesalahan.
2. Saya menggunakan nada suara yang _____ ketika berbual dengan jiran.
3. Saya sentiasa beramah _____ dengan jiran.
4. Saya berpakaian _____ dan sesuai ke upacara perkahwinan jiran untuk menjaga imej.
5. Saya duduk dengan _____ semasa mengunjungi rumah jiran.
6. Saya berasa _____ apabila mengamalkan sikap hemah tinggi sesama jiran.
7. Saya membalas senyuman dan _____ tangan dengan anak jiran saya yang kurang upaya.
8. Saya sentiasa menerima teguran daripada jiran dengan _____ dan hati yang terbuka.
9. Amalan _____ sapa dapat mewujudkan perhubungan yang lebih akrab sesama jiran.
10. Saya akan dipandang _____ sekiranya sentiasa menjaga adab dalam kehidupan berjiran.
11. Jiran yang mengamalkan sikap berbudi bahasa akan sentiasa _____ oleh jiran.
12. Saya berasa _____ kerana mempunyai jiran yang berbudi pekerti mulia.



PILIHAN
JAWAPAN



**PAPAN KENYATAAN****Peraturan yang Perlu Dipatuhi
Penghuni Blok A, Pangsapuri Setia.**

1. Menjaga kebersihan di sekitar pangsapuri.
2. Dilarang menconteng dinding bangunan.
3. Dilarang membuang sampah di merata-rata tempat.
4. Menggunakan lif secara berhemat.
5. Memastikan pelawat tidak mengganggu ketenteraman penghuni pangsapuri.

"Hormati Peraturan demi Kesejahteraan Kejiranan"



SEMAIKAN AMALAN MENGHORMATI JIRAN

 **Fahami cerita.**

James sekeluarga baru berpindah ke Aras 12, Blok A, Pangsapuri Setia.



Pada keesokan harinya, Li Yang dan Shantini membawa James melawat ke sekitar pangsapuri.



6

James, kamu patut meletakkan basikal di sini supaya tidak menghalang laluan jiran.

7

Baiklah.



8

Kolam renang ini beroperasi hingga pukul 10:00 malam. Selain itu, penghuni di sini perlu menjaga kebersihan kolam.

9

Oh, begitu! Jadi, saya patut mematuhi peraturan untuk menghormati hak jiran agar kehidupan di kawasan kejiranan aman damai.

10

Li Yang, James, pagi esok kita berkumpul di sini dengan pakaian renang yang sesuai.

Setelah selesai melawat di sekitar pangsapuri, mereka balik ke rumah masing-masing.

- ◆ Berdasarkan cerita di atas, jelaskan contoh perlakuan menghormati jiran.
- ◆ Menghormati peraturan kejiranan amat penting untuk mewujudkan suasana yang tenteram dan bahagia. Bincangkan.

NOTA GURU

- Minta murid melakonkan cerita di atas.
- Galakkan murid mengamalkan sikap menghormati jiran dalam kehidupan harian untuk mengelakkan sebarang perselisihan faham dan mengekalkan keharmonian dalam kejiranan.





SURI TELADAN KEJIRANAN



Baca dan fahami catatan diari Prema.

11 Januari...



Saya dan adik menyimpan mainan untuk menghormati jiran yang datang ke rumah.

Saya menghadiri majlis sambutan hari kelahiran jiran dengan membawa hadiah sebagai tanda hormat. Saya tiba tepat pada pukul 5:00 petang seperti yang tercatat pada kad jemputan.

20 Mac...



Saya tertarik akan anak patung jiran. Saya meminta keizinan untuk bermain dengan anak patung itu. Sikap saya disenangi oleh jiran.

16 Julai...



Saya menjemput jiran ke rumah semasa perayaan Hari Deepavali. Saya menyediakan penyepit, garpu dan sudu untuk jiran yang berlainan bangsa. Saya gembira kerana dapat menghormati jiran. Saya dan jiran hidup bahagia.


13 November...



- ◆ Jelaskan cara menghormati jiran semasa:
 - i. jiran mengunjungi rumah kamu.
 - ii. kamu berkunjung ke rumah jiran.
- ◆ Amalan menghormati jiran mendatangkan kebaikan dalam kehidupan berjiran. Bincangkan. 🍌

NOTA GURU

- Minta murid melakonkan cara menghormati jiran apabila berjumpa dengan jiran di sekitar kejiranan atau menerima jemputan ke majlis anjuran jiran.





HORMATI JIRAN AMALAN MULIA

Lafaz dan hayati pantun.

Gugur seludang di atas papan,
Buah berangan di dalam guni;
Jiran bertandang disaji kudapan,
Akrab hubungan kejiranan harmoni.

Suria menyingsing penyeri alam,
Bagai sinaran ribuan lilin;
Janganlah bising tatkala malam,
Hormati jiran hubungan terjalin.

Hijau kesuburan sayur-sayuran,
Ulam pegaga dipetik si nona;
Hidup berjiran jaga pertuturan,
Perasaan dijaga mesra terbina.

Buah anggur berkati-kati,
Tumbuh melata selalu disiram;
Jiran menegur kita hormati,
Tiada sengketa hidup tenteram.

Menarik joran perlahan-lahan,
Menyangka kelisa rupanya kekura;
Sesama jiran jaga kebersihan,
Hidup selesa terasa gembira.

Nukilan: Sing Bee Khim



- ◆ Berdasarkan pantun, bincangkan kelebihan menghormati jiran.
- ◆ Secara berkumpulan, hasilkan pantun tentang amalan menghormati jiran.

NOTA GURU

- Minta murid melafazkan pantun yang telah dihasilkan.
- Minta murid menceritakan pengalaman menghormati jiran.
- Minta murid meramalkan kesan jika tidak menghormati jiran.

6.1
6.2
6.3
6.4
6.5



HORMATI JIRAN HIDUP SEJAHTERA

 **Temu bual rakan dan bentangkan.**

BORANG TEMU BUAL

Nama Murid: _____ Kelas: 4 _____

Nama Responden: _____

1. Nyatakan cara kamu menghormati jiran.

i. _____

ii. _____

iii. _____

2. Pada pendapat kamu, perlukah kita menghormati jiran? Mengapa?

3. Jelaskan perasaan kamu apabila

i. menghormati jiran: _____

ii. tidak menghormati jiran: _____


4. Huraikan maksud slogan "Hormati Jiran Hidup Sejahtera".

Tandatangan Responden,

(_____)


Tarikh:



◆ Apakah yang patut kamu lakukan untuk menjadi suri teladan di kawasan kejiranan? 

NOTA GURU

- Sediakan replika televisyen dan mikrofon untuk aktiviti pembentangan.
- Minta murid main peranan sebagai wartawan semasa pembentangan.
- Minta murid menghasilkan poster dengan menggunakan slogan yang dinyatakan.





HORMATI JIRAN SETIAP MASA

Fahami situasi dan jawab soalan.

PANDUAN AKTIVITI

Fan-n-Pick

1. Bentuk kumpulan yang terdiri daripada empat orang ahli.
2. Setiap ahli diberi peranan dan bermain secara bergilir-gilir.
 - Murid 1: Susun kad situasi.
 - Murid 2: Pilih dan baca kad situasi.
 - Murid 3: Jawab soalan.
 - Murid 4: Respons jawapan murid dengan kad warna.
 - Kad hijau = Setuju
 - Kad merah = Tidak setuju

Bagaimanakah kamu menunjukkan sikap menghormati jiran?



- ◆ Apakah perasaan kamu setelah mengamalkan sikap menghormati jiran?

Kotak di koridor rumah kamu menghalang laluan jiran.

SITUASI



Kamu hendak berenang di kolam renang.

SITUASI



Kamu ingin berjumpa dengan jiran.

SITUASI



Kamu dan jiran hendak keluar dari lif.

SITUASI



NOTA GURU

- Bimbing murid menjalankan aktiviti PAK-21 (*Fan-n-Pick*).
- Sediakan kad soalan tambahan mengikut keperluan.
- Minta murid melakonkan situasi menghormati jiran.

6.1
6.2
6.4
6.5



BANGGA MENGHORMATI JIRAN

Mari kita bermain.

